## ALTERITATION SON STATE THE SECRETARIES OF SON

## REFLEXION

Sur le Factum des Plaignants du Nouiciat.

OVTES les preuues du Factum considerent le Nouiciat, comme vn Conuent ordinaire & reglé, ou selon les formes accoustumées, les électios des Prieurs & des Officiers se font par les Religieux du Conuent, comme il conste par les passages des Constitutions par eux alleguées. Mais cela n'empesche pas que le

Prouincial ne puisse, quand il veut, vser de son authorité, & donner vn Sous-prieur, l'ysage en est commun dans les Prouinces: & dans les Chapitres Prouinciaux on donne aux Conuents, qui en ont besoin, des Sousprieurs & des Syndics. Comme cette mesme année le Provincial de la Tolozaine donna en son Chapitre de S. Maximin le P. Souuille pour Syndic au Conuent de Bourdeaux. Cela mesme qu'ils aduoiient que le Prieur, quand il ne veut pas remettre à ses Religieux l'élection d'vn Sous-prieur, il le demande au Prouincial, fait voir que le Prouincial a droict & pouuoir de l'instituer, sans qu'il soit esseu par son Conuent. Or par la disposition des Constitutions, dist. 2. cap. 3. const. 8. litt. R. In Rectoribus effentialiter ordinatis, quod inferiori conceditur, Superiori nullatenus denegatur; nisi super hoc specialis fiat exceptio, sicut fuit declaratum Bisuntij 1353. Le Pere General peut donc dans toute l'estenduë de l'Ordre, ce que le Prouincial peut en sa Prouince; par consequent il a droict & pouuoir d'instituer des Sousprieurs, Syndics, & autres Officiers dans tous les Conuents de l'Ordre, & par cette raison dans le Nouiciat, quand mesme il seroit consideré comme vn Conuent ordinaire.

Neantmoins le Nouiciat de Paris ne doit pas estre regardé comme vn Conuent ordinaire & reglé, qui a ses Religieux sixes & vocaux, ayant droict d'essection, mais comme vne Maison qui ne doit estre composée que des Nouices & des Officiers qui les gouvernent, pour leur apprendre l'esprit de Resorme & de Regularité: Or les Loix ordinaires cessent en saueur de la Resorme, qui du Nouiciat doit estre répandue en tout l'Ordre, comme a sagement remarqué Monsseur Talon Aduocat General, en son Plaidoyé page 26.

En effect nostre Ordre à ces trois Loix fondamental. Le Prouincial a pouvoir & jurisdiction sur tous les Convents de sa Prouince; le Prieur sur tous les Religieux de sa Maison; & chaque Convent a droict de se faire des enfans, & de recevoir des Seculiers à l'habit. Or en faueur de la Resorme, l'Ordre a renoncé & dérogé à ces trois Loix sondamentales: car estate

A

blissant la Reforme dans la France, il osta à tous les Prouinciaux tant deçà que delà la Loire, quelques Conuents qu'il soûmit à la iurisdiction & authorité d'vn Vicaire General, qui fut appellé le Vicaire de la Congregation Occitaine, & ensuitte de Sainct Louis. L'Ordre osta au Prouincial de France le Conuent de Toul; à celuy de Prouence, les Conuents de sainct Maximin & Auignon; à celuy de la Tolosaine, les Conuents de Bourdeaux & Limoges; à celuy de l'Occitaine, les Conuents de Tolose, Alby, Carcassonne & autres. Deplus, il dessendit aux Conuents non resormez, de receuoir personne à l'habit; & ensin dans les Conuents qu'il dessina pour y mettre la Resorme, il establit sur le Prieur actuel vn Vicaire en ches qui prend toute l'authorité sur le Conuent. Tout cela se pratique encore quand on resorme vne Maison.

Or le Nouiciat de Paris, par sa fondation, est une Maison ou plustost un Seminaire destiné pour reformer les Prouinces & Conuents qui ne le sont pas: Voila pourquoy, en faueur de sa fin qui est la reforme generale, on a dérogé à son égard à plusieurs Loix faites pour les Conuents ordinaires & son y a estably une conduite particuliere pour un dessein aussi qui luy est particulier. On demande qui y a dérogé ? trois Generaux, Rodulphe, Turcus & Marinis: Leurs Decrets de dérogation authorisez par Bref Apostolique, qui peut déroger à nos Constitutions; par des Arrests du Parlement, qui en a fait la verisseation; par trois Chapitres generaux

consecutifs, qui ont force & vigueur de Constitution.

Il n'importe que le General Turcus ait permis vne seule sois à vn Prieur du Nouiciat, de saire auec son conseil le Sous-prieur. (Le Syndic n'a iamais esté sait qu'il n'y ait eu Institution particuliere du General;) Car ceder à son droict dans quelques circonstances, n'est pas y renoncer ny le perdre. Sa Majesté permet à sa Ville de Paris de saire ses Escheuins; & celle de Tolose ses Capitouls; à celle de Bourdeaux ses Jurats, par l'essection des Bourgeois; mais quand il veut, il le fait par luy-mesme, & les institué nom par nom auec vne Lettre de cachet. Il se sert de son droict quand il le iuge à propos; & lors qu'il les fait, il n'vse que de sa puissance ordinaire. Par vne pareille conduite le P. Turcus ayant donné vne seule sois ce pouuoir au Prieur du Nouiciat auec son conseil, il n'a pas pretendu renoncer à son droict par cette concession gratuite; & pour preuue de cela, il reprend son droict, & en vse apres mesmes les Ordonnances qu'on oppose, & que ie m'en vay exposer.

On dit qu'vne des Ordonnances faites par le P. Turcus pour le Nouiciat, est conceuë en ces termes. Ordinamus vt leges omnes pro Supriore, pro Mazistro Nouitiorum, pro Magistro FF. Conversorum, pro Nouities ad habitum & Professionem recipiendis & instituendis, pro deposito & PP. Depositariis, pro Ceremoniarum vnisormitate & cateris à sacris Constitutionibus nostris aut

Capitulis generalibus facta, ad v sum in hoc Conventu reducantur. D'où on infere que les esections doiuent estre en vsage au Nouiciat comme aux autres Conuents. Mais il est énident que par là le P. Turcus n'entend parler que des ceremonies & conduites particulieres qui se pratiquent en l'Ordre dans tous ces Offices, que le P. Carré, alors Superieur du Nouiciat, auoit alterées, y messant des ceremonies estrangeres, & des pratiques vsitées en plusieurs autres Ordres Reguliers, dont il vouloit imiter les conduites, & les mester auec les nostres; si bien que pour oster cét abus, il obligea ce Nouiciat à l'vniformité de ceremonies & de vie auec les autres Conuents. Ce qu'il declare par ces termes de l'Ordonnance: Pro Ceremoniarum vniformitate. Et dans la Preface desdites Ordonnances: Cupientes eam observantia formam in eo (Nouiatiatu) seruari, que singularitates à nostris Constitutionibus alienas fuziendo, Spiritum sancti P. Dominici & Patrum nostrorum contineat. Mais il n'a voulu aucunement y establir vniformité de regime & de gouvernement entre le Nouiciat & les autres Convents : ce qui se prouue énidemment par sa propre conduite; car ses Ordonnances sont dattées du 3. Septembre 1646. & le 6. de Septembre de l'an 1648. il confirma le F. Bernard Bossyde dans la charge de Syndic du Nouiciat, comme il appert de sa Patente donnée à Rome au susdit temps. Les troubles de Paris estants arriuez l'an suiuant 1649. il confirma derechef ledit F. Bernard Bossyde en ladite Charge, & institua le Pere Rougeon Sous-prieur: L'vne & l'autre Patente sont dattées du 2. Aoust 1649. faisant éuidemment paroistre par là, qu'en donnant ces Ordonnances, il n'auoit iamais pretendu remettre aux suffrages des Religieux du Nouiciat, l'eslection du Sous-prieur ny des Officiers, puisque apres icelles, il les institua luy-mesme par luymesme.

Les Plaignants ont reconnu ce pouvoir en la personne de nos Generaux: Car apres les Ordonnances du P. Turcus, le P. Marinis son successeur, institua de son authorité ledit F. Bernard Bossyde son Agent general, & Procureur Syndic du Nouiciat, & les Plaignants acquiescerent par escrit à cette Institution, reconnoissants en luy ce pouvoir, comme il conste par leur seing donné le 13. Inillet 1654. Encores doncques que le P. Turcus leur eut donné le pouvoir d'essire, ce qui n'est pas, & nous l'avons clairement monstré, le P. de Marinis son successeur peut revoquer & annuller cette Ordonnance; car la Constitution luy donne nettement ce pouvoir, comme il est porté au Prologue des Constitutions texte 9. Dont voicy les termes formels: Ordinationes tam Capitulorum generalium, quam Magistri Ordinis, quoad vim pracepti, & censurarum Ecclessafticarum, cum ipsis expirare volumus. Vita verò Capituli vsque ad sequens Capitulum intelligitur. Quoad reliqua verò quomodolibet per generale Capitulum vel Magistrum Ordinis fasta durare volumus, donce sucrint revocata per similem potestatem. Quoy de plus net?

Enfin ils ne produisent rien qu'ils n'ayent produit & allegué au Parlement, lequel apres quatre Audiances, a maintenu le P. General dans le pouvoir plein & immediat sur le Nouiciat. Eux-mesmes dans leur Factum ont recours aux Chapitres Generaux de Valence 1645. & de Rome 1650. qui auec le suivant de Rome 1654. establissent l'authorité du General pleine & immediate sur le Nouiciat, & affilient les Plaignants en la Congregation de Saint Louis, qui a accepté leurs affiliations.